

Broj: 7449-12/17  
Datum: 03.11.2017. godine

Na osnovu člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku broj: 7449-10/17 od 02.11.2017. godine, u postupku javne nabavke **roba – Gorivo i mazivo**, direktor Javne ustanove Opća bolnica „Prim. dr. Abdulah Nakaš“, je donio

### **ODLUKU** **o izboru najpovoljnijeg ponuđača**

#### **Član 1.**

**Prihvata se Preporuka Komisije za nabavku**, broj: 7449-10/17 od 02.11.2017. godine i Ugovor za javnu nabavku **roba – Gorivo i mazivo** dodjeljuje se ponuđaču **„ENERGOPETROL“ d.d. Sarajevo**, ponuda broj **E100-01-3-1359/17 dostavljena dana 24.10.2017. godine, sa konačnom cijenom ponude od 8.700,00 KM (bez PDV-a), kao najpovoljnijem ponuđaču.**

#### **Član 2.**

Postupak iz člana 1. ove Odluke proveden je metodom „konkurentski zahtjev za dostavu ponuda“, te je nakon otvaranja ponuda provedena „E-aukcija“, a za izbor najpovoljnijeg ponuđača korišten je kriterij „najniža cijena“.

Ugovorni organ je u tenderskoj dokumentaciji predvidio provođenje E-aukcije.

#### **Član 3.**

U postupku nabavke iz člana 1. ove Odluke zaprimljene su ukupno dvije kvalifikovane ponude sljedećih ponuđača:

1. **ENERGOPETROL d.d. Sarajevo** sa konačnom cijenom ponude nakon provedene „E-aukcije“ u iznosu od 8.700,00 KM bez uračunatog PDV-a;
2. **HIFA d.o.o. Tešanj** sa konačnom cijenom ponude nakon provedene „E-aukcije“ u iznosu od 8.750,00 KM bez uračunatog PDV-a;

U postupku nabavke iz člana 1. ove Odluke zaprimljena je jedna nekvalifikovana ponuda ponuđača **„GREEN OIL“ d.o.o. Sarajevo.**

#### **Član 4.**

Izabrani ponuđač **„ENERGOPETROL“ d.d. Sarajevo** svoju početnu ponudu nakon provedene „E-aukcije“ umanjio je za procenat od 21,45%. S tim u vezi sve jedinične cijene po stavki iskazane u Obrascu za cijenu ponude umanjit će se za isti procenat i te umanjene cijene će se primijeniti u Okvirnom sporazumu.

#### **Član 5.**

Izabrani ponuđač je obavezan dostaviti originale ili ovjerene kopije dokumentacije iz člana 45. Zakona o javnim nabavkama u roku od 2 (dva) dana nakon prijema Odluke o izboru najpovoljnijeg ponuđača na Protokol Ugovornog organa.

#### **Član 6.**

Prijedlog Okvirnog sporazuma dostaviće se na potpis izabranom ponuđaču nakon isteka roka od 10 dana, računajući od dana kada su svi ponuđači obaviješteni o izboru najpovoljnije ponude.

#### **Član 7.**

Ova Odluka objaviće se na internet stranici Javne ustanove Opća bolnica „Prim. dr. Abdulah Nakaš“ ([www.obs.ba](http://www.obs.ba)), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6. Zakona o javnim nabavkama.

#### **Član 8.**

Ova Odluka stupa na snagu danom donošenja, i dostavlja se svim ponuđačima koji su učestvovali i postupku javne nabavke, u skladu sa članom 71. stav 2. Zakona o javnim nabavkama.

### **Obrazloženje**

Postupak javne nabavke pokrenut je Odlukom o pokretanju postupka javne nabavke broj: **7449-2/17 od 04.10.2017. godine.**

Javna nabavka je sprovedena **putem konkurentskog zahtjeva za dostavu ponuda.**

Procijenjena vrijednost javne nabavke bez PDV-a je **13.000,00 KM.**

Obavještenje o nabavci broj: 1125-7-1-324-3-93/17, poslato je na objavljivanje dana **10.10.2017. godine**, a objavljeno je na Portalu javnih nabavki dana **10.10.2017. godine**, Obavještenje o nabavci objavljeno je u Sl. Glasniku BiH broj: **73/17 od 13.10.2017. godine.**

Komisija za nabavku, imenovana je Rješenjem broj: **7449-3/17 od 04.10.2017. godine.**

Komisija za javnu nabavku dostavila je direktoru Javne ustanove Opća bolnica „Prim. dr. Abdulah Nakaš“ Zapisnik o pregledu i ocjeni ponuda broj: **7449-9/17 od 02.11.2017. godine**, Preporuku o izboru najpovoljnijeg ponuđača broj: **7449-10/17 od 02.11.2017. godine** i Izvještaj o radu broj: **7449-11/17 od 03.11.2017. godine**, u postupku javne nabavke roba - **Gorivo i mazivo.**

U postupku po Izvještaju o radu je utvrđeno da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike, u kojima je utvrđeno slijedeće:

- da su u predmetnom postupku primljene 3 ponude,
- da su blagovremeno primljene 3 ponude,
- da nije bilo neblagovremeno primljenih ponuda,

- da su ponude ponuđača „ENERGOPETROL“ d.d. Sarajevo i „HIFA“ d.o.o. Tešanj, kvalifikovane i prihvatljive, dostavljeni su svi traženi dokazi propisani tenderskom dokumentacijom, na propisan način,

i

- da se odbacuje ponuda ponuđača „GREEN OIL“ d.o.o. Sarajevo u skladu sa članom 68. stav 4. tačka i) Zakona o javnim nabavkama, jer ponuđač nije dostavio Obrazac za povjerljive informacije koji je dat kao Prilog/Aneks 11 tenderske dokumentacije, a koji je tražen na strani 16. tenderske dokumentacije, tačka 9.1. Povjerljivost.

U postupku donošenja ove Odluke, posebno su ocijenjene činjenice da je Komisija, pravilno i potpuno, izvršila ocjenu kvalifikovanosti ponuđača te pregled i ocjenu ponuda, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom. Uvidom u priloženu dokumentaciju, nesporno je da je izabrani ponuđač najbolje ocijenjen zbog najniže cijene.

- **Naziv ponuđača čija je ponuda ocijenjena kao najpovoljnija:**

1.	<b>Naziv ponuđača</b>	<b>Ponuđač ENERGOPETROL d.d. Sarajevo</b>
2.	Sjedište i adresa	<b>Ul. Maršala Tita broj 36, 71000 Sarajevo</b>
3.	Ukupna cijena ponude bez PDV-a	<b>8.700,00 KM</b>

Izabrani ponuđač je izabran primjenjujući kriterij najniža cijena, čime je utvrđen i njihov sukcesivni red kako slijedi:

1. „Energopetrol“ d.d. Sarajevo sa ukupnom cijenom od 8.700,00 KM bez uračunatog PDV-a
2. „Hifa“ d.o.o. Tešanj sa ukupnom cijenom od 8.750,00 KM bez uračunatog PDV-a

Iz navedenih razloga, primjenom člana 64. stav 1. tačka b) Zakona o javnim nabavkama, člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14), i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

**POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

**Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo.**

Žalba se podnosi u najmanje 3 (tri) primjerka.

**PRIPREMILA:**

Amira Petrović, BA općeg prava  
Referent za pravne poslove

**KONTROLISALA:**

Sadeta Hrustemović, dipl.iur.  
Kordinator za javne nabavke



**DIREKTOR**

*Zlatko Kravić*  
**Prim. dr. Zlatko Kravić**

**Dostaviti:**

- Ponuđaču: „Energopetrol“ d.d. Sarajevo
- Ponuđaču: „Hifa“ d.o.o. Tešanj
- Ponuđaču: „Green Oil“ d.o.o. Sarajevo
- Odjeljenje za pravne, kadrovske i opće poslove
- Odjeljenje za ekonomsko-finansijske poslove
- Komisiji za javne nabavke
- a/a.